



## Universitätsbibliothek Paderborn

### M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCCXXIX. Sepultura tyranni qui se occidit.

**urn:nbn:de:hbz:466:1-12889**

amisso altero filio deprecatus fuerit pro juvene. Sunt ista in aliis causis potentiora: hic pater nisi prior seculo est in hoc iudicio; mentitur pro filio: non tam illi opus est opera advocati, quam fide testis.

## CCCXXIX.

*Sepultura tyranni qui se occidit.*

QUI TYRANNUM OCCIDERIT, IN FORO SEPELIATUR.  
In pestilentia responsum est tyrannum occidendum. Ipse se occidit, petunt propinqui ut in foro sepeliatur.

## DECLAMATIO.

**I**ngens calumnia! pudet me Hercule me actionis: nunc ego negabo. Quid si ostendero eum qui civitati libertatem abstulerit, qui leges sustulerit, qui tempora violaverit, qui injuriis nostris iam Deorum immortalium commoverit, tyrannicidam non fuisse? Multum alioqui effecisse oratione mea videbor: interpretanda nobis legis ipsius voluntas est: quid spectaverit ille qui constituebat, diligenter (ut res est) <sup>1</sup> & alte exquirendum atque eruendum. Ego mihi arbitror, judices, pauca pro legum latore esse dicenda, ne tam obscurae hoc occulteque scripsi videatur. An non est hoc omnibus, qui modo ad intellectum sermonis pervenire possunt, lucidum atque manifestum, eum qui legem ita composuerit, ut si qui tyrannum occidisset, in foro sepeliretur, locutum de duobus? non intelligit aliquis alium esse eum qui occidat, alium qui occidatur? Argumentis scilicet agendum est, & in exemplum afferendæ aliæ quoque leges. Dicam nunc ego, QUI PULSAVERIT ALIQUEM, INJURIARUM TENEATUR. Nemo tamen tenebitur qui se ipse pulsaverit: nam illud quidem ridiculum (ut opinor) omnibus vobis futurum est, si in exemplum proximam similitudinem adduxero, ac negavero teneri lege ulla eum, qui se occiderit. Est porro hoc

<sup>1</sup> Ut alte exquirendum atque eruendum post, si ad Deos existimemus pertinere primum, ] Vet. cod. crudendum, & paulo mia. Pith.

hoc manifeste reprehendendum, si ad eos existimemus pertinere præmia, ad quos poenæ pertinent. Bene scilicet de repub. meruit, quod aliquando finem imposuit harum calamitatum: illi scripta lex est.<sup>1</sup> Non ille, qui componebat hæc jura, sic locutus est. Non est satis ei qui servitum reipublicæ detraxerit: qui monstra hæc, quibus libertas laborat, qui homines adversus Deorum hominumque injuriam natos, & in exemplum scelerum constitutos, quo magis ea odisemus, occiderit, dum vivit, tantum honorari non sufficiunt magistratus, nec satis sunt tituli: habetur aliquis etiam morti honor, & ad exemplum posteritatis ostendatur in foro sepulchrum, ne quis audeat tyrannus esse: ut omnes homines monumentis hujus sciant, quibus præmiis adversus tyrannos tyrannicidæ armentur. Ita nunc hic tanquam bonus civis, ita tanquam liberator hujus civitatis honorabitur? Sic est hercule, judices, sic est: si hunc civitas non habuisset, serviremus etiam nunc, & gravissima illa tempora, quæ diu passi sumus, sustineremus. Expecto mehercule ut<sup>2</sup> cujuslibet impudentiæ accusatores, sic quoque opus ejus augere atque exaggerare conentur. Occidit tyrannum non hunc vulgarem, & usque ad nomen tantum nocentem: Plus aliquid quam cæteris constituamus. Occidit tyrannum crudelissimum, sævissimum, expugnatum non pudicitiæ modo & patrimoniorum nostrorum & principum hujus civitatis, sed templorum omnium & cæmoniarum: nec hominibus magis quam diis immortalibus invictum. Vera sunt quidem ista, judices. Sed si velimus suum titulum reddere liberatoribus nostræ civi-

<sup>1</sup> Non ille qui componebat hæc jura, sic locutus est. ] Post hæc verba inserit Aërodius: Qui se se tyrannum occiderit, quasi consilium fuerit auctori ponere aliquid, quod negare posset in formula legis haberi. At rō Non per interrogationem accipendum, quasi esset Nonne. Quod autem locutum legislatorem vult, id sta-

tim explicatur ab his, Non est satis, usque ad ista tyrannicidæ armenta. Locutus est autem ista vel apud se se, hoc est, cogitavit cum conderet legem: vel in concione ad populum, quem eam suscit. Gron, 2 Cuiuslibet impudentia accusatori. ] Lege, excusatores. Aërod.

civitatis, illum Dii occiderunt. Non enim contenti advo-  
cati partis adversae hac legis calumnia, etiam bene meruisse  
eum de repub. nostra dicunt: quod auditio responso ipse se  
percussit. Ego porro etiamsi confiterer plurimum eum  
Reipub. morte sua præstissem, non tamen inter beneficia  
ducerem injuriæ finem. Nunc vero quis ignorat, quam  
multæ eum necessitates ad exigendas à seipso poenas impu-  
lerint? Si tantum hoc dicerem,<sup>1</sup> Cum salus esset proposita  
civitati hoc silentio ut tyrannus occideretur, quis non no-  
strum in arcem rueret? quis non subderet faces? quis non  
concremare peste in illam reipubli æ vellet? Vedit animos  
nostros, vedit impetum:<sup>2</sup> non enim vulgaria sacramenta  
ducebant: nec<sup>3</sup> sicut aduersus alios tyrannos tenebant,  
injuriæ tantum dolore urgebamus. Incredibile est quid  
non ausura fuerit libertatis & salutis necessitas. Quid enim  
dicam quam invitus ille Diis immortalibus fuerit? nos non  
ferebant, & patientiæ nostræ irascebantur. Si hunc tantum  
vitasset impetum, nihil tamen ipsi deberemus. Age illud  
quanquam demens & sceleratus, & furiosus, non vedit  
effugere se non posse, quando eum Dii immortales mori-  
vellerent? Pestilentia innocentes rapiebantur, non meher-  
cule aliam fuisse causam, judices, existimo, quod huc de-  
ducti sumus. Quid? in illa labe totius civitatis, Di immor-  
tales non tam tacite intelligi, quam publicare poenam  
tyranni voluerunt. Parum existimaverunt si illum alius  
occidisset. Ne quis itaque existimet, ultionem tantum no-  
stram ad animos hominum pertinere. Illam illam ego, ju-  
dices,

<sup>1</sup> Cum salus esset proposita civitati hoc  
silentio.] Forte, hac conditione. Alii apud  
Ærodium, hac consideratione. Gronov.

<sup>2</sup> Non enim vulgaria sacramenta due-  
bant.] Perperam vir doctus: non enim  
ranti vulgaria sacramenta duebantur. Sa-  
cramentum dicit & adigit militem ad  
invadendum hostem. Ita, inquit, non  
tralaticiæ & vulgares causæ nos invita-  
bant ad tyrannum oppugnandum. Sic

decl. 305. qui paullo ante arma minoris sa-  
cramento tuli. id est, non tam gravi causa  
bellandi. decl. 357. Accessisse novum  
mori suo sacramentum. Seneca de brevi-  
vitæ c. 5. tot nobiles jurenes adulterio ul-  
ut sacramento adacti. Habes & apud Flo-  
rum lib. 3. 10. & 18. Idem.

<sup>3</sup> Sicut aduersus alios.] Vet. cod. ad  
versos. Pith.

dices, jam nunc video pestilentiam. Nam si fuit causa morborum, quod homo in civitate nostra, sua tamen mente, suoque proposito arcem occupasset, quod libertatem abs tulisset: quo tandem modo ulciscuntur Dii immortales id, quod nos fecerimus? Corpus illud omnibus libique ipsi damnatum, publicis scilicet exequiis efferemus? Hoc agite, ducatur ingens funeris pompa, eat primus Senatus, & ordo ille sanctissimus, quanquam recepta modo libertate laetus, vultus tamen habitusque ad mœstitudinem transferat: <sup>1</sup> dum maxima multitudo quæque, dum universus denique populus lustret atque ambiat rogum, adjiciamus & lacrymas. Perdidimus tyrannicidam, & vindicem reipub. & libertatis auctorem: tum domum reversi narremus liberis nostris, Hæc virtus habet præmia. An aliquis etiam rostra conscendet & (qui supremus claris civibus honor habetur) advocata populi concione, laudes ejus quem in foro sepulti sumus, concinet? Audient Dii immortales, qui nos pestilentia liberaverunt, qui gravissimos morbos propitii miserunt? Si ulla est dicenti fides, jam nunc in hac cogitatione, atque in hac rerum imagine versatur mens mea. Ex illo succenso tyranni rogo surrecturi mihi protinus morbi videntur: & quacunque feralis ille ignis in civitatem diros illos atque execrables diffuderit fumos, gravem quandam pestilentem nubem supra domos nostras ac tecta sessuram. Quæ tunc responsa petituri sumus? quod auxilium homines, qui hanc quoque Diis immortalibus injuriam facimus, ut videantur salutare illud Reipub. responsum protyranno dedisse?

## CCCXXX.

<sup>1</sup> *Dum maxima multitudo quæque.*] Fortasse: *tum maxima multitudo equites, tum universus denique populus.* Gronov.